



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Ars Bonæ Mortis. Sive: Quotidiana Erga Sanctissimam Dei Matrem Mariam Pietas**

Ad omnia quidem utilis. Ad felicem tamen mortem obtinendam utilissima

**Hevenesi, Gábor**

**Coloniæ Agrippinæ, [ca. 1708]**

V. Maji.

[urn:nbn:de:hbz:466:1-50961](https://nbn-resolving.org/urn:nbn:de:hbz:466:1-50961)

S. Angelus Carmelita hoc nomen à Deipara  
 Matri apparente sortitus, ab eadem Martyr  
 futurus est pronuntiatus. Imaginem à S. Luca  
 pictam è cælo monitus Romam detulit, &  
 Honorio IV. P. M. obtulit, per quam tot Deus  
 mira patravit. Ab impuro, quem sceleris ar-  
 guerat, vulneratus animam candidæ columbæ  
 specie ad cœlum misit, è Judæis parentibus  
 natus. *Ex Hierarch. Carmel.* Etiam è spinis nas-  
 citur rosa.

S. Angele ora pro me Reginam Angelorum,  
 ut & ego Angelus sim non naturâ, sed gratiâ,  
 non nomine, sed moribus inculpabilis, sed  
 integritate Angelicâ, sed obsequio in Mariam;  
 cujus amore etiam Martyrio vitam finire  
 non recuso. O Sanctissima Dei, & mea Mater  
 pretiosissima! ego N. indignissimus filius tuus  
 ex toto corde, omnibusque tam corporis,  
 quam animæ viribus centies millies, imò infi-  
 nitè te saluto: &c. *fol. 2.*

Ad quod impetrandum: Imaginum Mariana-  
 rum cultum apud alios promoverè laborabo.

Justitia Filii, & misericordia Matris alterca-  
 ri videntur. Nam cum Justitia Filii dicit: ego  
 occidam & percutiam, misericordia Matris  
 respondet: ego vivere faciam & sanabo. *Rich.*  
*à S. Laur. l. 2. de laud. V.*

Quæstio: Ubi Christus pernoctaverit illo  
 triduo? quo à Matre avulsus remansit? *v. Bar-*  
*rad. in Evang.*